

譯

抄

大方廣佛華嚴經

籍

保

护

第六十

一百十五

卷十

47932



元祿九年丙子二月日重脩

皇國翠園 帝階級呂

佛日增輝 懋輪常轉

山城州天安寺法金剛院置

大方廣佛華嚴經卷第六十

于闐國三藏沙門實義難陀譯

入法界品第三十九之一



爾時世尊在室羅筏國逝多林給孤獨  
園大莊嚴重閣與菩薩摩訶薩五百人

華嚴卷六十

俱普賢菩薩文殊師利菩薩而為上首

其名曰光燄幢菩薩須弥幢菩薩寶幢

菩薩無礙幢菩薩華幢菩薩離垢幢菩

薩日幢菩薩妙幢菩薩離塵幢菩薩普

光幢菩薩地威力菩薩寶威力菩薩大

威力菩薩金剛智威力菩薩離塵垢威  
力菩薩正法日威力菩薩功德山威力  
菩薩智光影威力菩薩普吉祥威力菩  
薩地藏菩薩虛空藏菩薩蓮華藏菩薩  
寶藏菩薩日藏菩薩淨德藏菩薩法印  
藏菩薩光明藏菩薩齋藏菩薩蓮華德  
藏菩薩善眼菩薩淨眼菩薩離垢眼菩  
薩無礙眼菩薩普見眼菩薩善觀眼菩  
薩青蓮華眼菩薩金剛眼菩薩寶眼菩  
薩虛空眼菩薩喜眼菩薩普眼菩薩天

冠菩薩普照法界智慧冠菩薩道場冠  
菩薩普照十方冠菩薩一切佛藏冠菩  
薩超出一切世間冠菩薩普照冠菩薩  
不可壞冠菩薩持一切如來師子座冠  
菩薩普照法界虛空冠菩薩梵王髻菩  
薩龍王髻菩薩一切化佛光明髻菩薩  
道場髻菩薩一切願海音寶王髻菩薩  
一切佛光明摩尼髻菩薩示現一切虛  
空平等相摩尼王莊嚴髻菩薩示現一  
切如來神變摩尼王幢網垂覆髻菩薩

出一切佛轉法輪音髻菩薩說三世一  
切名字音髻菩薩火光菩薩離垢光菩  
薩寶光菩薩離塵光菩薩燄光菩薩法  
光菩薩寂靜光菩薩日光菩薩自在光  
菩薩天光菩薩福德幢菩薩智慧幢菩  
薩法幢菩薩神通幢菩薩光幢菩薩華  
幢菩薩摩尼幢菩薩菩薩提幢菩薩梵幢  
菩薩普光幢菩薩梵音菩薩海音菩薩  
大地音菩薩世主音菩薩山相擊音菩  
薩徧一切法界音菩薩震一切法海雷

音菩薩降魔音菩薩大悲方便雲雷音  
菩薩息一切世間苦安慰音菩薩法上  
菩薩勝上菩薩智上菩薩福德須弥上  
菩薩功德珊瑚上菩薩名稱上菩薩普  
光上菩薩大慈上菩薩智海上菩薩佛  
種上菩薩光勝菩薩德勝菩薩上勝菩  
薩普明勝菩薩法勝菩薩月勝菩薩虛  
空勝菩薩寶勝菩薩幢勝菩薩智勝菩  
薩娑羅自在王菩薩法自在王菩薩象  
自在王菩薩梵自在王菩薩山自在王

菩薩衆自在王菩薩速疾自在王菩薩  
寂靜自在王菩薩不動自在王菩薩勢  
力自在王菩薩最勝自在王菩薩寂靜  
音菩薩無礙音菩薩地震音菩薩海震  
音菩薩雲音菩薩法光音菩薩虛空音  
菩薩說一切衆生善根音菩薩示一切  
大願音菩薩道場音菩薩須弥光覺菩  
薩虛空覺菩薩離深覺菩薩無礙覺菩  
薩善覺菩薩普照三世覺菩薩廣大覺  
菩薩普明覺菩薩法界光明覺菩薩如

是等菩薩摩訶薩五百人俱此諸菩薩  
皆悉成就普賢行願境界無礙普徧一  
切諸佛刹故現身無量親近一切諸如  
來故淨眼無障見一切佛神變事故至  
處無限一切如來成正覺所恒普詣故  
光明無際以智慧光普照一切實法海  
故說法無盡清淨辯才無邊際劫無窮  
盡故等虛空界智慧所行悉清淨故無  
所依止隨衆生心現色身故除滅癡翳  
了衆生界無衆生故等虛空智以大光

網照法界故及與五百聲聞衆俱悉覺  
真諦皆證實際深入法性永出有海依  
佛功德離結使縛住無礙處其心寂靜  
猶如虛空於諸佛所永斷疑惑於佛智  
海深信趣入及與無量諸世主俱悉曾  
供養無量諸佛常能利益一切衆生為  
不請友恒勤守護誓願不捨入於世間  
殊勝智門從佛教生護佛正法起於大  
願不斷佛種生如來家求一切智時諸  
菩薩大德聲聞世間諸王并其眷屬咸

作是念如來境界如來智行如來加持  
如來力如來無畏如來三昧如來所住  
如來自在如來身如來智一切世間諸  
天及人無能通達無能趣入無能信解  
無能了知無能忍受無能觀察無能揀  
擇無能開示無能宣明無有能令衆生  
解了唯除諸佛加被之力佛神通力佛  
威德力佛本願力及其宿世善根之力  
諸善知識攝受之力深淨信力大明解  
力趣向菩提清淨心力求一切智廣大

願力唯願世尊隨順我等及諸衆生種  
種欲種種解種種智種種語種種自在  
種種住地種種根清淨種種意方便種  
種心境界種種依止如來功德種種聽  
受諸所說法顯示如來往昔趣求一切  
智心往昔所起菩薩大願往昔所淨諸  
波羅蜜往昔所入菩薩諸地往昔圓滿  
諸菩薩行往昔成就方便往昔脩行諸  
道往昔所得出離法往昔所作神通事  
往昔所有本事回緣及成等正覺轉妙

法輪淨佛國土調伏衆生開一切智法  
城示一切衆生道入一切衆生所住受  
一切衆生所施為一切衆生說布施功  
德為一切衆生現諸佛影像如是等法  
願皆為說尔時世尊知諸菩薩心之所  
念大悲為身大悲為門大悲為首以大  
悲法而為方便充徧虛空入師子頻申  
三昧入此三昧已一切世間普皆嚴淨  
于時此大莊嚴樓閣忽然廣博無有邊

華嚴卷六十

六

際金剛為地寶王覆上無量寶華及諸

摩尼普散其中處處盈滿瑠璃為柱象  
寶合成大光摩尼之所莊嚴閣浮檀金  
如意寶王周置其上以為嚴飾危樓迥  
帶閣道傍出棟宇相承總闥交映階墀  
軒檻種種備足一切皆以妙寶莊嚴其  
寶悉作人天形像堅固妙好世中第一  
摩尼寶網弥覆其上於諸門側悉建幢  
幡咸放光明普周法界道場之外階墜  
欄楯其數無量不可稱說靡不咸以摩  
尼所成爾時復以佛神力故其逝多林

忽然廣博與不可說佛刹微塵數諸佛  
國土其量正等一切妙寶間錯莊嚴不  
可說寶徧布其地阿僧祇寶以為垣墻  
寶多羅樹莊嚴道側其間復有無量香  
河香水盈滿湍激洄澗一切寶華隨流  
右轉自然演出佛法音聲不思議寶芬  
陀利華菡萏芬敷弥布水上衆寶華樹  
列植其岸種種臺榭不可思議皆於岸  
上次第行列摩尼寶網之所弥覆阿僧  
祇寶放大光明阿僧祇寶莊嚴其地燒

衆妙香香氣氤氳復建無量種種寶幢  
所謂寶香幢寶衣幢寶幡幢寶繒幢寶  
華幢寶瓔珞幢寶鬘幢寶鈴幢摩尼寶  
蓋幢大摩尼寶幢光明徧照摩尼寶幢  
出一切如來名號音聲摩尼王幢師子  
摩尼王幢說一切如來本事海摩尼王  
幢現一切法界影像摩尼王幢周徧十  
方行列莊嚴時逝多林上虛空之中有  
不思議天宮殿雲無數香樹雲不可說  
須弥山雲不可說妓樂雲出美妙音歌

讚如來不可說寶蓮華雲不可說寶座  
雲敷以天衣菩薩坐上歎佛功德不可  
說諸天王形像摩尼寶雲不可說白真  
珠雲不可說赤珠樓閣莊嚴具雲不可  
說兩金剛堅固珠雲皆住虛空周匝徧  
滿以為嚴飾何以故如來善根不思議  
故如來白法不思議故如來威力不思  
議故如來能以一身自在變化徧一切  
世界不思議故如來能以神力令一切  
佛及佛國莊嚴皆入其身不思議故如

來能以一微塵內普現一切法界影像  
不思議故如來能於一毛孔中示現過  
去一切諸佛不思議故如來隨放一一  
光明悉能徧照一切世界不思議故如  
來能於一毛孔中出一切佛刹微塵數  
變化雲充滿一切諸佛國土不思議故  
如來能於一毛孔中普現一切十方世  
界成住壞劫不思議故如於此逝多林  
給孤獨園見佛國土清淨莊嚴十方一  
切盡法界虛空界一切世界亦如是見

所謂見如來身住逝多林菩薩衆會皆  
悉徧滿見普雨一切莊嚴雲見普雨一  
切寶光明照耀雲見普雨一切摩尼寶  
雲見普雨一切莊嚴蓋彌覆佛刹雲見  
普雨一切天身雲見普雨一切華樹雲  
見普雨一切衣樹雲見普雨一切寶鬘  
瓔珞相續不絕周徧一切大地雲見普  
雨一切莊嚴具雲見普雨一切如衆生  
形種種香雲見普雨一切微妙寶華網  
相續不斷雲見普雨一切諸天女持寶

幢幡於虛空中周旋來去雲見普雨一  
切衆寶蓮華於華葉間自然而出種種  
樂音雲見普雨一切師子座寶網瓔珞  
而為莊嚴雲爾時東方過不可說佛刹  
微塵數世界海外有世界名金燈雲幢  
佛號毘盧遮那勝德王彼佛衆中有菩  
薩名毘盧遮那願光明與不可說佛刹  
微塵數菩薩俱來向佛所悉以神力興  
種種雲所謂天華雲天香雲天末香雲  
天鬘雲天寶雲天莊嚴具雲天寶蓋雲

天微妙衣雲天寶幢幡雲天一切妙寶  
諸莊嚴雲充滿虛空至佛所已頂禮佛  
足即於東方化作寶莊嚴樓閣及普照  
十方寶蓮華藏師子之座如意寶網羅  
覆其身與其眷屬結加趺坐南方過不  
可說佛刹微塵數世界華嚴卷六十海外十有世界名  
金剛藏佛號普光明無勝藏王彼佛衆  
中有菩薩名不可壞精進王與不可說  
佛刹微塵數菩薩俱來向佛所持一切  
寶香網持一切寶瓔珞持一切寶華帶

持一切寶鬘帶持一切金剛瓔珞持一  
切摩尼寶網持一切寶衣帶持一切寶  
瓔珞帶持一切最勝光明摩尼帶持一  
切師子摩尼寶瓔珞悉以神力充徧一  
切諸世界海到佛所已頂禮佛足即於  
南方化作徧照世間摩尼寶莊嚴樓閣  
及普照十方寶蓮華藏師子之座以一  
切寶華網羅覆其身與其眷屬結加趺  
坐西方過不可說佛刹微塵數世界海  
外有世界名摩尼寶燈須弥山幢佛號

法界智燈彼佛象中有菩薩名普勝無  
上威德王與世界海微塵數菩薩俱來  
向佛所悉以神力興不可說佛刹微塵  
數種種塗香燒香須彌山雲不可說佛  
刹微塵數種種色香水須彌山雲不可  
說佛刹微塵數一切大地微塵等光明  
摩尼寶王須彌山雲不可說佛刹微塵  
數種種光燄輪莊嚴幢須彌山雲不可  
說佛刹微塵數種種色金剛藏摩尼王  
莊嚴須彌山雲不可說佛刹微塵數普

照一切世界閻浮檀摩尼寶幢須弥山  
雲不可說佛刹微塵數現一切法界摩  
尼寶須弥山雲不可說佛刹微塵數現  
一切諸佛相好摩尼寶王須弥山雲不  
可說佛刹微塵數現一切如來本事因  
緣說諸菩薩所行之行摩尼寶王須弥  
山雲不可說佛刹微塵數現一切佛坐  
菩提場摩尼寶王須弥山雲充滿法界  
至佛所已頂禮佛足即於西方化作一  
切香王樓閣真珠寶網弥覆其上及化

作帝釋影幢寶蓮華藏師子之座以妙  
色摩尼網羅覆其身心王寶冠以嚴其  
首與其眷屬結加趺坐北方過不可說  
佛刹微塵數世界海外有世界名寶衣  
光明幢佛號照虛空法界大光明彼佛  
衆中有菩薩名無礙勝藏王與世界海  
微塵數菩薩俱來向佛所悉以神力興  
一切寶衣雲所謂黃色寶光明衣雲種  
種香所熏衣雲日幢摩尼王衣雲金色  
熾然摩尼衣雲一切寶光燄衣雲一切

星辰像上妙摩尼衣雲白玉光摩尼衣  
雲光明徧照殊勝赫奕摩尼衣雲光明  
徧照威勢熾盛摩尼衣雲莊嚴海摩尼  
衣雲充徧虛空至佛所已頂禮佛足即  
於北方化作摩尼寶海莊嚴樓閣及毘  
瑠璃寶蓮華藏師子之座以師子威德  
摩尼王網羅覆其身清淨寶王為髻明  
珠與其眷屬結加趺坐東北方過不可  
說佛刹微塵數世界海外有世界名一  
切歡喜清淨光明網佛號無礙眼彼佛

象中有菩薩名化現法界願月王與世  
界海微塵數菩薩俱來向佛所悉以神  
力興寶樓閣雲香樓閣雲燒香樓閣雲  
華樓閣雲旃檀樓閣雲金剛樓閣雲摩  
尼樓閣雲金樓閣雲衣樓閣雲蓮華樓  
閣雲彌覆十方一切世界至佛所已頂  
禮佛足即於東北方化作一切法界門  
大摩尼樓閣及無等香王蓮華蔽師子  
之座摩尼華網羅覆其身著妙寶蔽摩  
尼王冠與其眷屬結加趺坐東南方過

華嚴卷六十

十三

不可說佛刹微塵數世界海外有世界  
名香雲莊嚴幢佛號龍自在王彼佛衆  
中有菩薩名法慧光燄王與世界海微  
塵數菩薩俱來向佛所悉以神力興金  
色圓滿光明雲無量寶色圓滿光明雲  
如來毫相圓滿光明雲種種寶色圓滿  
光明雲蓮華藏圓滿光明雲衆寶樹枝  
圓滿光明雲如來頂髻圓滿光明雲閻  
浮檀金色圓滿光明雲日色圓滿光明  
雲星月色圓滿光明雲悉徧虛空到佛

所已頂禮佛足即於東南方化作毘盧  
遮那最上寶光明樓閣金剛摩尼蓮華  
藏師子之座衆寶光燄摩尼王網羅覆  
其身與其眷屬結加趺坐西南方過不  
可說佛刹微塵數世界海外有世界名  
日光摩尼藏佛號普照諸法智月王彼  
佛衆中有菩薩名摧破一切魔軍智幢  
王與世界海微塵數菩薩俱來向佛所  
於一切毛孔中出等虛空界華燄雲香  
燄雲寶燄雲金剛燄雲燒香燄雲電光

燄雲毘盧遮那摩尼寶燄雲一切金光  
燄雲勝藏摩尼王光燄雲等三世如來  
海光燄雲一一皆從毛孔中出徧虛空  
界到佛所已頂禮佛足即於西南方化  
作普現十方法界光明網大摩尼寶樓  
閣及香燈燄寶蓮華藏師子之座以離  
垢藏摩尼網羅覆其身著出一切衆生  
發趣音摩尼王嚴飾冠與其眷屬結加  
趺坐西北方過不可說佛刹微塵數世  
界海外有世界名毘盧遮那願摩尼王

藏佛號普光明最勝須弥王彼佛衆中  
有菩薩名願智光明幢與世界海微塵  
數菩薩俱來向佛所於念念中一切相  
好一切毛孔一切身分皆出三世一切  
如來形像雲一切菩薩形像雲一切如  
來衆會形像雲一切如來變化身形像  
雲一切如來本生身形像雲一切聲聞  
辟支佛形像雲一切如來菩提場形像  
雲一切如來神變形像雲一切世間主  
形像雲一切清淨國土形像雲充滿虛

空至佛所已頂禮佛足即於西北方化  
作普照十方摩尼寶莊嚴樓閣及普照  
世間寶蓮華嚴師子之座以無能勝光  
明真珠網羅覆其身著普光明摩尼寶  
冠與其眷屬結加趺坐下方過不可說  
佛刹微塵數世界海外有世界名一切  
如來圓滿光普照佛號虛空無礙相智  
幢王彼佛衆中有菩薩名破一切障勇  
猛智王與世界海微塵數菩薩俱來向  
佛所於一切毛孔中出說一切衆生語

言海音聲雲出說一切三世菩薩脩行  
方便海音聲雲出說一切菩薩所起願  
方便海音聲雲出說一切菩薩成滿清  
淨波羅蜜方便海音聲雲出說一切菩  
薩圓滿行徧一切刹音聲雲出說一切  
菩薩成就自在華嚴卷六十用音聲雲出說一切如  
來往詣道場破魔軍衆成等正覺自在  
用音聲雲出說一切如來轉法輪契經  
門名號海音聲雲出說一切隨應教化  
調伏衆生法方便海音聲雲出說一切

隨時隨善根隨願力普令衆生證得智  
慧方便海音聲雲到佛所已頂禮佛足  
即於下方化作現一切如來宮殿形像  
衆寶莊嚴樓閣及一切寶蓮華藏師子  
之座著普現道場影摩尼寶冠與其眷  
屬結加趺坐上方過不可說佛刹微塵  
數世界海外有世界名說佛種性無有  
盡佛號普智輪光明音彼佛衆中有菩  
薩名法界差別願與世界海微塵數菩  
薩俱發彼道場來向此娑婆世界釋迦

牟尼佛所於一切相好一切毛孔一切  
身分一切支節一切莊嚴具一切衣服  
中現毘盧遮那等過去一切諸佛未來  
一切諸佛已得授記未授記者現在十  
方一切國土一切諸佛并其衆會亦現  
過去行檀那波羅蜜及其一切受布施  
者諸本事海亦現過去行尸羅波羅蜜  
諸本事海亦現過去行羸提波羅蜜割  
截支體心無亂動諸本事海亦現過去  
行精進波羅蜜勇猛不退諸本事海亦

現過去求一切如來禪波羅蜜海而得  
成就諸本事海亦現過去求一切佛所  
轉法輪所成就法發勇猛心一切皆捨  
諸本事海亦現過去樂見一切佛樂行  
一切菩薩道樂化一切衆生界諸本事  
海亦現過去所發一切菩薩大願清淨  
莊嚴諸本事海亦現過去菩薩所成力  
波羅蜜勇猛清淨諸本事海亦現過去  
一切菩薩所脩圓滿智波羅蜜諸本事  
海如是一切本事海悉皆徧滿廣大法

界至佛所已頂禮佛足即於上方化作  
一切金剛藏莊嚴樓閣及帝青金剛王  
蓮華藏師子之座以一切寶光明摩尼  
王網羅覆其身以演說三世如來名摩  
尼寶王為髻明珠與其眷屬結加趺坐  
如是十方一切菩薩并其眷屬皆從普  
賢菩薩行願中生以淨智眼見三世佛  
普聞一切諸佛如來所轉法輪脩多羅  
海已得至於一切菩薩自在彼岸於念  
念中現大神變親近一切諸佛如來一

身充滿一切世界一切如來衆會道場  
於一塵中普現一切世間境界教化成  
就一切衆生未曾失時一毛孔中出一  
切如來說法音聲知一切衆生悉皆如  
幻知一切佛悉皆如影知一切諸趣受  
生悉皆如夢知一切業報如鏡中像知  
一切諸有生起如熱時燄知一切世界  
皆如變化成就如來十力無畏勇猛自  
在能師子吼深入無盡辯才大海得一  
切衆生言辭海諸法智於虛空法界所

行無礙知一切法無有障礙一切菩薩  
神通境界悉已清淨勇猛精進摧伏魔  
軍恒以智慧了達三世知一切法猶如  
虛空無有違諍亦無取著雖勤精進而  
知一切智終無所來雖觀境界而知一  
切有悉不可得以方便智入一切法界  
以平等智入一切國土以自在力令一  
切世界展轉相入於一切世界處處受  
生見一切世界種種形相於微細境現  
廣大刹於廣大境現微細刹於一佛所

華嚴卷六十

九

一念之頃得一切佛威神所加普見十方無所迷惑於剎那頃悉能往詣如是等一切菩薩滿逝多林皆是如來威神之力于時上首諸大聲聞舍利弗大目犍連摩訶迦葉離婆多須菩提阿菟樓駄難陀劫賓那迦梅延富樓那等諸大聲聞在逝多林皆悉不見如來神力如來嚴好如來境界如來遊戲如來神變如來尊勝如來妙行如來威德如來住持如來淨刹亦復不見不可思議菩薩

境界菩薩大會菩薩普入菩薩普至菩  
薩普詣菩薩神變菩薩遊戲菩薩眷屬  
菩薩方所菩薩莊嚴師子座菩薩宮殿  
菩薩住處菩薩所入三昧自在菩薩觀  
察菩薩頻申菩薩勇猛菩薩供養菩薩  
受記菩薩成熟菩薩勇健菩薩法身清  
淨菩薩智身圓滿菩薩願身示現菩薩  
色身成就菩薩諸相具足清淨菩薩常  
光衆色莊嚴菩薩放大光網菩薩起變  
化雲菩薩身徧十方菩薩諸行圓滿如

是等事一切聲聞諸大弟子皆悉不見  
何以故以善根不同故本不脩習見佛  
自在善根故本不讚說十方世界一切  
佛刹清淨功德故本不稱歎諸佛世尊  
種種神變故本不於生死流轉之中發  
阿耨多羅三藐三菩提心故本不令他  
住菩提心故本不能令如來種性不斷  
絕故本不攝受諸衆生故本不勸他脩  
習菩薩波羅蜜故本在生死流轉之時  
不勸衆生求於最勝大智眼故本不脩

習生一切智諸善根故本不成就如來  
出世諸善根故本不得嚴淨佛刹神通  
智故本不得諸菩薩眼所知境故本不  
求超出世間不共菩提諸善根故本不  
發一切菩薩諸大願故本不從如來加  
被之所生故本不知諸法如幻菩薩如  
夢故本不得諸大菩薩廣大歡喜故如  
是皆是普賢菩薩智眼境界不與一切  
二乘所共以是因緣諸大聲聞不能見  
不能知不能聞不能入不能得不能念

華嚴卷六十

世

不能觀察不能籌量不能思惟不能分  
別是故雖在逝多林中不見如來諸大  
神變復次諸大聲聞無如是善根故無  
如是智眼故無如是三昧故無如是解  
脫故無如是神通故無如是威德故無  
如是勢力故無如是自在故無如是住  
處故無如是境界故是故於此不能知  
不能見不能入不能證不能住不能解  
不能觀察不能忍受不能趣向不能遊  
履又亦不能廣為他人開闡解說稱揚

示現引導勸進令其趣向令其脩習令  
其安住令其證入何以故諸大弟子依  
聲聞乘而出離故成就聲聞道滿足聲  
聞行安住聲聞果於無有諦得決定智  
常住實際究竟寂靜遠離大悲捨於衆  
生住於自事於彼智慧不能積集不能  
脩行不能安住不能願求不能成就不  
能清淨不能趣入不能通達不能知見  
不能證得是故雖在逝多林中對於如  
來不見如是廣大神變佛子如恒河岸

有百千億無量餓鬼裸形飢渴舉體焦  
然烏鷲豺狼競來搏撮為渴所逼欲求  
水飲雖住河邊而不見河設有見者見  
其枯竭何以故深厚業障之所覆故彼  
大聲聞亦復如是雖復住在逝多林中  
不見如來廣大神力捨一切智無明瞖  
膜覆其眼故不曾種植薩婆若地諸善  
根故譬如有人於大會中昏睡安寢忽  
然夢見須彌山頂帝釋所住善見大城  
宮殿園林種種巖好天子天女百千萬

億普散天華徧滿其地種種衣樹出妙  
衣服種種華樹開敷妙華諸音樂樹奏  
天音樂天諸采女歌詠美音無量諸天  
於中戲樂其人自見著天衣服普於其  
處住止周旋其大會中一切諸人雖同  
華嚴卷六十  
一處不知不見何以故夢中所見非彼  
大衆所能見故一切菩薩世間諸王亦  
復如是以久積集善根力故發一切智  
廣大願故學習一切佛功德故脩行菩  
薩莊嚴道故圓滿一切智智法故滿足

普賢諸行願故趣入一切菩薩智地故  
遊戲一切菩薩所住諸三昧故已能觀  
察一切菩薩智慧境界無障礙故是故  
悉見如來世尊不可思議自在神變一  
切聲聞諸大弟子皆不能見皆不能知  
以無菩薩清淨眼故譬如雪山具衆藥  
草良醫詣彼悉能分別其諸捕獵放牧  
之人恒住彼山不見其藥此亦如是以  
諸菩薩入智境界具自在力能見如來  
廣大神變諸大弟子唯求自利不欲利

他唯求自安不欲安他雖在林中不知  
不見譬如地中有諸寶藏種種珍異悉  
皆充滿有一丈夫聰慧明達善能分別  
一切伏藏其人復有大福德力能隨所  
欲自在而取奉養父母賑卹親屬老病  
窮乏靡不均贍其無智慧無福德人雖  
亦至於寶藏之處不知不見不得其益  
此亦如是諸大菩薩有淨智眼能入如  
來不可思議甚深境界能見佛神力能  
入諸法門能遊三昧海能供養諸佛能

以正法開悟衆生能以四攝攝受衆生  
諸大聲聞不能得見如來神力亦不能  
見諸菩薩衆譬如盲人至大寶洲若行  
若住若坐若卧不能得見一切衆寶以  
不見故不能採取不得受用此亦如是  
諸大弟子雖在林·中親近世尊不見如  
來自在神力亦不得見菩薩大會何以  
故無有菩薩無礙淨眼不能次第悟入  
法界見於如來自·在力故譬如有·人得  
清淨眼名離垢光明一切闇色不能為

障尔時彼人於夜闇中處在無量百千  
萬億人衆之內或行或住或坐或卧彼  
諸人衆形相威儀此明眼人莫不具見  
其明眼者威儀進退彼諸人衆悉不能  
覩佛亦如是成就智眼清淨無礙悉能  
明見一切世間其所示現神通變化大  
菩薩衆所共圍繞諸大弟子悉不能見  
譬如比丘在大衆中入徧處定所謂地  
徧處定水徧處定火徧處定風徧處定  
青徧處定黃徧處定赤徧處定白徧處

定天徧處定種種衆生身徧處定一切  
語言音聲徧處定一切所緣徧處定入  
此定者見其所緣其餘大衆悉不能見  
唯除有住此三昧者如來所現不可思  
議諸佛境界亦復如是菩薩具見聲聞  
莫覩譬如有人以翳形藥自塗其眼在  
於衆會去來坐立無能見者而能悉覩  
衆會中事應知如來亦復如是超過於  
世普見世間非諸聲聞所能得見唯除  
趣向一切智境諸大菩薩如人生已則

超

有二天恒相隨逐一曰同生二曰同名  
天常見人人不見天應知如來亦復如  
是在諸菩薩大集會中現大神通諸大  
聲聞悉不能見譬如比丘得心自在入  
滅盡定六根作業皆悉不行一切語言  
華嚴卷六十  
不知不覺定力持故不般涅槃一切聲  
聞亦復如是雖復住在逝多林中具足  
六根而不知不見不解不入如來自在  
菩薩衆會諸所作事何以故如來境界  
甚深廣大難見難知難測難量起諸世

間不可思議無能壞者非是一切二乘  
境界是故如來自自在神力菩薩衆會及  
逝多林普徧一切清淨世界如是等事  
諸大聲聞悉不知見非其器故尔時毘  
盧遮那願光明菩薩承佛神力觀察十  
方而說頌言

汝等應觀察

佛道不思議

於此逝多林

示現神通力

善逝威神力

所現無央數

一切諸世間

迷惑不能了

法王深妙法 無量難思議

所現諸神通 舉世莫能測

以了法無相 是故名為佛

而具相莊嚴 稱揚不可盡

今於此林內 示現大神力

葉巖卷六十

四六

甚深無有邊 言辭莫能辯

汝觀大威德 無量菩薩衆

十方諸國土 而來見世尊

所願皆具足 所行無障礙

一切諸世間 無能測量者

一切諸緣覺  
及彼大聲聞

皆悉不能知  
菩薩行境界

菩薩大智慧  
諸地悉究竟

高建勇猛幢  
難摧難可動

諸大名稱士  
無量三昧力

所現諸神變  
法界悉充滿

尔時不可壞精進王菩薩承佛神力觀

察十方而說頌言

汝觀諸佛子  
智慧功德藏

究竟菩提行  
安隱諸世間

其心本明達

善入諸三昧

智慧無邊際

境界不可量

今此逝多林

種種皆嚴飾

菩薩眾雲集

親近如來住

汝觀無所著

無量大眾海

華嚴卷之十

二十七

十方來詣此

坐寶蓮華座

無來亦無住

無依無戲論

離垢心無礙

究竟於法界

建立智慧幢

堅固不動搖

知無變化法

而現變化事

十方無量刹 一切諸佛所

同時悉往詣 而亦不分身

汝觀釋師子 自在神通力

能令菩薩衆 一切俱來集

一切諸佛法 法界悉平等

言說故不同 此衆咸通達

諸佛常安住 法界平等際

演說差別法 言辭無有盡

爾時普勝無上威德王菩薩承佛神力

觀察十方而說頌言

汝觀無上士

廣大智圓滿

善達時非時

為衆演說法

摧伏衆外道

一切諸異論

普隨衆生心

為現神通力

正覺非有量

亦復非無量

華嚴卷二十

若量若無量

牟尼悉超越大

如日在虛空

照臨一切處

佛智亦如是

了達三世法

譬如十五夜

月輪無減缺

如來亦復然

白法悉圓滿

譬如空中日

運行無暫已

如來亦如是

神變恒相續

譬如十方刹

於空無所礙

世燈現變化

於世亦復然

譬如世間地

群生之所依

照世燈法輪

為依亦如是

譬如猛疾風

所行無障礙

佛法亦如是

速徧於世間

譬如火水輪

世界所依住

智慧輪亦尔

三世佛所依

尔時無礙勝藏王菩薩承佛神力觀察  
十方而說頌言

譬如大寶山

饒益諸含識

佛山亦如是

普益於世間

譬如大海水

澄淨無垢濁

華嚴卷六十

七九

見佛亦如是

能除諸渴愛

譬如須弥山

出於大海中

世間燈亦尔

從於法海出

如海具衆寶

求者皆滿足

無師智亦然

見者悉開悟

如來甚深智

無量無有數

是故神通力

示現難思議

譬如工幻師

示現種種事

佛智亦如是

現諸自在力

譬如如意寶

能滿一切欲

最勝亦復然

滿諸清淨願

譬如明淨寶

普照一切物

佛智亦如是

普照群生心

譬如八面寶

等鑒於諸方

無礙燈亦然

普照於法界

譬如水清珠 能清諸濁水

見佛亦如是 諸根悉清淨

尔時化現法界願月王菩薩承佛神力

觀察十方而說頌言

譬如帝青寶 能青一切色

華嚴卷六十

見佛者亦然 悉發菩提行

一一微塵內 佛現神通力

令無量無邊 菩薩皆清淨

甚深微妙力 無邊不可知

菩薩之境界 世間莫能測

如來所現身

清淨相莊嚴

普入於法界

成就諸菩薩

難思佛國土

於中成正覺

一切諸菩薩

世主皆充滿

釋迦無上尊

於法悉自在

示現神通力

無邊不可量

菩薩種種行

無量無有盡

如來自在力

為之悉示現

佛子善脩學

甚深諸法界

成就無礙智

明了一切法

善逝威神力 為衆轉法輪

神變普充滿 令世皆清淨

如來智圓滿 境界亦清淨

辟如大龍王 普濟諸群生

尔時法慧光嚴王菩薩承佛神力觀察

華嚴卷六十

此

十方而說頌言

卅

三世諸如來 聲聞大弟子

悉不能知佛 舉足下足事

去來現在世 一切諸緣覺

亦不知如來 舉足下足事

况復諸凡夫

結使所纏縛

無明覆心識

而能知導師

正覺無礙智

超過語言道

其量不可測

孰有能知見

譬如明月光

無能測邊際

佛神通亦尔

莫見其終盡

一一諸方便

念念所變化

盡於無量劫

思惟不能了

思惟一切智

不可思議法

一一方便門

邊際不可得

若有於此法而興廣大願

彼於此境界知見不為難

勇猛勁脩習難思大法海

其心無障礙入此方便門

心意已調伏志願亦寬廣

當獲大菩提最勝之境界

尔時破一切魔軍智幢王菩薩承佛神

力觀察十方而說頌言

智身非是身無礙難思議

設有思議者一切無能及

華嚴卷六十

三

從不思議業

起此清淨身

殊特妙莊嚴

不著於三界

光明照一切

法界悉清淨

開佛菩提門

出生衆智慧

譬如世間日

普放慧光明

遠離諸塵垢

滅除一切障

普淨三有處

永絕生死流

成就菩薩道

出生無上覺

示現無邊色

此色無依處

所現雖無量

一切不思議

菩提一念頃 能覺一切法

云何欲測量 如來智邊際

一念悉明達 一切三世法

故說佛智慧 無盡無能壞

智者應如是 專思佛菩提

華嚴卷六十

此思難思議 思之不可得

菩提不可說 超過語言路

諸佛從此生 是法難思議

爾時願智光明幢王菩薩承佛神力觀

察十方而說頌言

若能善觀察

菩提無盡海

則得離癡念

決定受持法

若得決定心

則能脩妙行

禪寂自思慮

永斷諸疑惑

其心不疲倦

亦復無懈怠

展轉增進脩

究竟諸佛法

信智已成就

念念令增長

常樂常觀察

無得無依法

無量億千劫

所脩功德行

一切悉迴向

諸佛所求道

雖在於生死 而心無染著

安住諸佛法 常樂如來行

世間之所有 蘊界等諸法

一切皆捨離 專求佛功德

凡夫嬰妄惑 於世常流轉

華嚴卷六十

菩薩心無礙 救之令解脫

菩薩行難稱 舉世莫能思

徧除一切苦 普與群生樂

已獲菩提智 復愍諸群生

光明照世間 度脫一切衆

尔時破一切障勇猛智王菩薩承佛神力觀察十方而說頌言

無量億千劫 佛名難可聞

况復得親近 永斷諸疑惑

如來世間燈 通達一切法

普生三世福 令衆悉清淨

如來妙色身 一切所欽歎

億劫常瞻仰 其心無厭足

若有諸佛子 觀佛妙色身

必捨諸有著 廻向菩提道

如來妙色身

恒演廣大音

辯才無障礙

開佛菩提門

曉悟諸衆生

無量不思議

令入智慧門

授以菩提記

如來出世間

為世大福田

華嚴卷六十

或五

普導諸含識

令其集福行

若有供養佛

永除惡道畏

消滅一切苦

成就智慧身

若見兩足尊

能發廣大心

是人恒值佛

增長智慧力

若見人中勝 決意向菩提  
是人能自知 必當成正覺

爾時法界差別願智神通王菩薩承佛  
神力觀察十方而說頌言

釋迦無上尊 具一切功德

見者心清淨 迴向大智慧

如來大慈悲 出現於世間

普為諸群生 轉無上法輪

如來無數劫 勤苦為衆生

云何諸世間 能報大師恩

寧於無量劫

受諸惡道苦

終不捨如來

而求於出離

寧代諸衆生

備受一切苦

終不捨於佛

而求得安樂

寧在諸惡趣

恒得聞佛名

華嚴卷六十

四六

不願生善道

暫時不聞佛

寧生諸地獄

一一無數劫

終不遠離佛

而求出惡趣

何故願久住

一切諸惡道

以得見如來

增長智慧故

若得見於佛

除滅一切苦

能入諸如來

大智之境界

若得見於佛

捨離一切障

長養無盡福

成就菩提道

如來能永斷

一切衆生疑

隨其心所樂

普皆令滿足

大方廣佛華嚴經卷第六十

筏

伐音

齊

齊音

埒

池音

陞

登去聲

湍

他官切

激

擊音

截

前入聲

羸

產音

菟

奴候切

裸

羅上聲

瞽

音意

膜

音莫

賑

音振

卹

音戍

福城東際童子南詢百城煙水渺無垠

知識異常倫五十三人一曲和陽春

沙 霜生春跡稍崐詩中山深衫搜 沙

嘒 忘○聲無○○微文描○瓊霄 嘒

哆 鐺燈冬都啁惶堤顛彈○搭佷 哆

華嚴卷六十一

二十七

山城國級喜郡薪村

靈瑞山剛恩菴沙門宗桂書寫之

